

ЯНУАРИСТ
ПРЕПОДОБНОМУ
НОЯННУ ДЯВЯСННУ

Кондак 1

Избранный угодниче Христов, преподобне отче Иоанне, похвальная восписуем тебе, яко златословесному воспевателю херувимских песнопений и серафимских глаголов, Церкви Православныя и нашему заступнику и теплomu о нас молитвеннику: ты же, яко имея дерзновение ко Господу, молися о нас молитвою непрерывной и во гресех прощение испроси зовущим ти: Радуйся, преподобне отче Иоанне, великий угодниче и преславный чудотворче.

Икос 1

Ангел земный и человек небесный был еси, преподобне Иоанне, и имел еси в житии твоём теплую любовь к Божией Матери, иконе Святыю соорудити потщался еси и сию в келии своей благоговейно поставив, в непрестанных молитвах пребывал еси. Мы же, улажая тя, сие глаголем:

Радуйся, представителю о нас пред Господом непостыдный.

Радуйся, к Божие Матери молитвенниче наш неусыпный.

Радуйся, отче наш милостивый и кроткий.

Радуйся, в бедах и обстояниях помощниче скорый.

Радуйся, скорбных и печальных утешение.

Радуйся, всем просящим скорую помощь подавая.

Радуйся, преподобне отче Иоанне, великий угодниче и преславный чудотворче.

Кондак 2

Видя, преподобне отче Иоанне, десницу свою, много писавшую в защиту чести и поклонения святых икон, по навету царя иконоборца немилостиво отсеченную, испроси ю от неверного мучителя, и приложив к усеченному ей составу, слезно моляшеся ко Пречистой Деве Богородице, о еже исцелитися ей, и Всеблагая и Всемощная рода нашего Заступница, молитву твою скоро услышала, и явившись тебе во сне, исцеление усеченной руке даровала еси, да благодарственно поеши Богу: Аллилуия.

Икос 2

Разум человеческий не может постигнуть силу исцелений благодатных, чудесно являемых иконою Божией Матери и изъяснить чудо велие, како отсеченная десница твоя во едину ночь цела и здраваобретется, на ней же токмо червленый знак бывшая язвы оставлен бысть Врачебницею Благою, улажая Царицу Небесную похвалами тебе, угодниче Божий, сие глаголем:

Радуйся, златословесными устами небесныя истины вещая.

Радуйся, усердный Божий слугителю.

Радуйся, ангелов сожителю.

Радуйся, преподобных собеседниче.

Радуйся, прибегающих к тебе тёплый заступниче.

Радуйся, от Бога дарованный заступниче и покровителю.

Радуйся, преподобне отче Иоанне, великий угодниче и преславный чудотворче.

Кондак 3

Силу десницы Всевышняго в исцелении усеченная десница своей показав, богоглаголивый Иоанне. песньми красными воспев Владычицу Всеблагую и подобие усеченная руки своей приложи к целебному образу Божией Матери ради памяти вегдашняя о великом чуде; посему ныне видима есть и именуется сия святая икона Троеручица, тремя руками, на ней описанными прославляющая таинство Святыя Троицы, чудесы же от нея бывающими всех приводящая хвалено взывати ко Господу: Аллилуия.

Икос 3

Имеяй великую ревность по Бозе, духоносный песнописце святыя Церкви и божественный славитель ея сладкий, преподобне Иоанне, хвалеными пении до конца жизни своей прославляше дивную милость Богородительницы, в память же бывшего чуда плат, имже усеченная рука твоя обернута ве, на главе своей носаше, икону же Богоматери многоцелебную, яко наследие богатое, предаде святой Лавре преподобнаго Саввы Освященнаго, всем верным на поклонение. За таковое твое о душах наших попечение, по долгу взываем тебе сице:

Радуйся, яко Богу совершенно угодил еси.

Радуйся, яко венец бессмертныя жизни получил еси.

Радуйся, наслаждаяйся райския сладости.

Радуйся, насыщаяйся Божия благодати.

Радуйся, верных учителю и наставниче.

Радуйся, врагов святыя православныя веры крепкий поборниче.

Радуйся, преподобне отче Иоанне, великий угодниче и преславный чудотворче.

Кондак 4

Буря недоумения смущает мой ум, преподобне отче Иоанне, како достойно Богу возглаголати величия твоя, но ты яко благий и милосердный, возри не на достоинство творения сего, но на усердное наше произволение и научи нас грешных, како подобает душею ощущати славословие Божие и пети: Аллилуия.

Икос 4

Слышавше ближнии и дальнии, преподобне отче наш Иоанне, ангелоподобное твое житие, и яко молитвою твоею мнози, с верою к тебе притекающи, утешение приемлют благодатное и благодарне

вспоминающе о толиких твоих благодеяниях, яже оставил еси нам в песнопениях и песнях духовных, радостно зываем к тебе таковыя:

Радуйся, яко Бога ради отечества страну оставил еси.

Радуйся, яко божественными песнопениями нас просветил еси.

Радуйся, столпе благочестия.

Радуйся, вместилище добродетелей.

Радуйся, златословесными устами небесныя истины вещай.

Радуйся, земныя почести ни во что же вменяй.

Радуйся, преподобне отче Иоанне, великий угодник и преславный чудотворче.

Кондак 5

Боготечно, яко светозарная звезда, шествовал еси, угодник Божий, во святейший град Иерусалим на поклонение святым местам, идеже и остался не возвращаясь в мир, вступил еси иноком во обитель преподобнаго Саввы Освященнаго, благодарственно воспевая Богу: Аллилуия.

Икос 5

Видевше ангельстии чинове равноангельное житие твоё, отче богоблаженне, смирения твоего глубину, молитвы непрестанныя, воздержания твердость и велию ревность духа твоего о чистоте, удивися и прославиша человеколюбца Бога, укрепляющаго немощное естество человеческое. Мы же увлажяем тя и зовем сие:

Радуйся, иночествуящим дивно украшение.

Радуйся, возлюбивый благолепие дому Божия.

Радуйся, помазание приемый от Святаго Духа.

Радуйся, освященный сосуде благодати Божией.

Радуйся, рабе Христов благий и верный.

Радуйся, слуго Господень истинный.

Радуйся, преподобне отче Иоанне, великий угодник и преславный чудотворче.

Кондак 6

Проповедник богоносный быв, преподобне Иоанне, истинному боговедению и благочестию поучал еси присно братию и образом жития своего наставлял еси на путь спасения, да вопием вси Богу: Аллилуия.

Икос 6

Возсия в душе твоей блистающий свет истиннаго боговедения освещая души верных, со сладостию внимающих песнопениям, тобою составленным, и похваляющим тя сие:

Радуйся, органе Духа Всесвятаго.

Радуйся, тимпане, услаждающий благочестивых чувства.

Радуйся, источнице Богодухновенных песнопений.

Радуйся, свирель dobroгласная, песньми духовными веселящая души человеческия.

Радуйся, псалтирь, славу Божию возвещающая.

Радуйся, Божия благодати струя неиссякающая.

Радуйся, преподобне отче Иоанне, великий угодниче и преславный чудотворче.

Кондак 7

Хотя, преподобне отче Иоанне, утешати брата монашествующаго, скорбящаго о кончине друга, потщался еси, во утешение его написати песнопения о упокоении душ усопших во Царствии Небеснем, сего ради воспеваем ангельскую песнь Вседержителю Божу: Аллилуия.

Икос 7

Новаго тя молитвенника и чудотворца предивнаго яви тя Господь, преподобне отче Иоанне, темже и светло тобою красуется Церковь православная, яко дерзновение велие ко Христу имаши, Емуже молися о нас грешных, любовью тебе вопиющих сицевая:

Радуйся, пресветлый светильниче веры православныя.

Радуйся, благочестия ревностный поборниче.

Радуйся, Церкви Божия столпе непоколебимый.

Радуйся, храмино добродетелей преукрашенная.

Радуйся, яко верных людей списании твоими усладила благочестивыя чувства.

Радуйся, златословесными устнами вещал еси небесныя истины.

Радуйся, преподобне отче Иоанне, великий угодниче и преславный чудотворче.

Кондак 8

Странника и пришельца помышлял еси себе быти в мире сем непостояннем, преподобне отче, и грядущаго града Иерусалима небеснаго зыскья, вся помышления твоя к нему возносая, ум твой на божественная возложив, и распинал еси плоть твою со страстьми и похотьми, сладце воспевая, яко в тимпане, во умерщвленнем телеси, победную песнь Христу Божу: Аллилуия.

Икос 8

Весь облелся еси во вся оружия Божия, яко воин Христов, препоясав чресла твоя истинною, облелся в броню правды, и обув ноге твой во уготовление благовествования мира, восприял еси щит веры и шлем спасения, и меч духовный, иже есть глагол Божий, имже и возмогл еси вся наветы лукаваго победити; помози убо и нам, отче преподобне, твоими молитвами, противитися искушениям вражиим, и подражати тебе в побеждении страстей наших, да тебе зовем:

Радуйся, смиреніем святымъ гордыню душепагубную поправый.

Радуйся, кротостию совершеною ярости пламень погасивый.

Радуйся, нищимъ богатство твое расточивый и сребролюбие возненавидивый.

Радуйся, всякий досаждения и обиды без гнева претерпевый.

Радуйся, яко молитвами непрестанными уныние прогнав еси от себе, и достиг еси о Господе радования.

Радуйся, яко воздержанием и бдением и целомудренно душу и тело свое соблюл еси.

Радуйся, преподобне отче Иоанне, великий угодниче и преславный чудотворче.

Кондак 9

Всякое наслаждение плотское возненавидел еси, Иоанне преблаженне, и Единого Бога всем сердцем возлюбил еси; темже и Господь тя возлюбил и чудеса прослави, даровав нам тебе молитвенника благоприятнаго пред благою Богом: смиренно молим тя, егда имамы предстати пред Судиею Праведнымъ, умоли Бога за нас, да не помянет беззаконий наших, и сподобит нас блаженной участи одесную стоящих и вопиющих Ему: Аллилуия.

Икос 9

Вития многовещанная, не довлеют изглаголати вся подвиги твоя и чудеса, богомудре отче Иоанне; ибо доброты жития твоего воистинну превосходит похвалу человеческую, обаче мы, любовью к тебе побеждаеми, дерзаем смиренно благохвалити тя пениемъ такимъ:

Радуйся, святыхъ православныхъ Церкви светильниче немерцающий.

Радуйся, обители твоей утверждение и похвало.

Радуйся, иночествующихъ ликовъ пречюдная красото.

Радуйся, христианскому роду присное утешение.

Радуйся, любящимъ и чтущимъ тя ходатаю спасения.

Радуйся, приводяй грешныхъ ко исправлению.

Радуйся, преподобне отче Иоанне, великий угодниче и преславный чудотворче.

Кондак 10

Спасение вечное унаследовал еси, угодниче Божий, и кончину праведную яко венецъ подвигомъ твоимъ получил еси, неболезненно и мирно прешел от земныхъ к обителемъ небеснымъ, идеже святая твоя душа воздаяние прия от руки Вседержителя Бога, и со ангельскими воинствы предстоит престолу Божественному, воспевая немолчную Ему песнь: Аллилуия.

Икос 10

Царя Небеснаго рабе благий и верный, данный тебе талант не сокрывый, но трудолюбно его усугубивый и многу куплю духовно им сотворивый, отче Иоанне, помози и нам, земным и перстным, подражати житию твоему святому и стяжать при исходе нашем благую надежду спасения, да поем тебе умиленными гласы:

Радуйся, святче Божий, свято и непорочно скончавый жизнь земную.

Радуйся, избранниче Христов, безволезненно и мирно предавый дух твой в лице Божии.

Радуйся, яко смерть твоя честна пред Господем и успение со святыми.

Радуйся, яко память твоя с похвалами почитается во святей Церкви.

Радуйся, яко преселившийся в небесныя обители и земных не оставляеши.

Радуйся, усердный всех прибегающих к тебе заступниче и скорый предстателю.

Радуйся, преподобне отче Иоанне, великий угодниче и преславный чудотворче.

Кондак 11

Пение хваленое приносим тебе, преподобне, но скудными песнями хвалим тя: яко аще отрочество твое, аще юность, аще старость вся исполнена суть дел благих и любви, яже к Богу и ближнему, вся вещают едину песнь Богу: Аллилуия.

Икос 11

Мирную кончину твою видевше ученицы твои, великий угодниче Божий, скорь разлучения с тобою утешением благодатным раствориша в уповании всесильнаго предстательства твоего горе у престола Божия, идеже слышиши с любовью тебе зовущих:

Радуйся, венец безсмертных жизни от руки Вседержителя приемый.

Радуйся, всесветлаго Царствия Христова наследниче.

Радуйся, Иерусалима горняго гражданинче.

Радуйся, Небеснаго Сиона жителю.

Радуйся, по трудех временных жизни покой вечный получивый.

Радуйся, блаженство, от века праведным уготованное, праведно восприявый.

Радуйся, преподобне отче Иоанне, великий угодниче и преславный чудотворче.

Кондак 12

Благодать божественную испроси нам, угодниче Божий, да присно покрывает нас от врагов видимых и невидимых, да научит ны подражати тебе в чистоте ангельстей и незлобии, да направит сердца наша к

смирѣнню, покаянню и неослабному исполнѣнню заповедей Христовых; да дарует нам христианскую кончину и безбедно проведет нас чрез воздушный путь, да сподобит тамо узрети славу великаго Бога и вечно пѣти Ему: Аллилу́ия.

Икос 12

Поём доблестныя подвиги твоя, добропобедный воине Христов, отче наш Иоанне, убожаем блаженную кончину твою, тебе усердно воспевая:

Радуйся, яко свято и праведно на земли пожил еси.

Радуйся, яко воистину ангел земный и человек небесный был еси.

Радуйся, яко память твоя с похвалами, и успение со святыми.

Радуйся, яко отверзлася тебе врата райская, и вшел еси в радость Господа твоего.

Радуйся, яко душу твою Жизнодавец Христос прият в небесныя селения.

Радуйся, яко со безплотными силами Трисвятую песнь Богу немолчно поеши.

Радуйся, преподобне отче Иоанне, великий угодниче и преславный чудотворче.

Кондак 13

О, великий и преславный чудотворче, преподобне отче наш Иоанне! Милостиво прияв сие малое моление наше, молитвами твоими сохрани нас от недугов душевных и телесных в жизни сей и грядущих мучений вечных избави и сподоби нас вкупе с тобою во Царствии Небеснем пѣти Богу: Аллилу́ия. (Трижды)

(И паки Икос 1 и Кондак 1)

Молитва преподобному Иоанну Дамаскину

Преподобне и преблаженне отче наш Иоанне, вонми нам, к тебе смиренно припадающим и твоего заступления тепле просящим. Веси немощи наша, веси грехи наша, но и усердие наше не утайся от тебе: умоли милостиваго Спасителя нашего Господа Иисуса Христа, даровати нам оставление многих согрешений наших и утверди нас на пути делания заповедей Его. Оградь нас твоими молитвами от всех искушений и бед. Отврати надлежащая нам скорби и напасти, и даруй нам в здравии, мире, тишине и благоугождении Богу провождати дни жития нашего: испроси нам время на покаяние и ответ благоприятен на страшнем судищи Христове, да с тобою и со всеми избранными славим вечно Отца и Сына и Святаго Духа. Аминь.